

## Transkription von Urkunde HAL 1350a

Ort, Datierung: Halle, 1350-03-04

Signatur: Landeshauptarchiv Sachsen-Anhalt in Magdeburg, Rep. U 46 Halle, 6 U 4b, Halle Stadt  
Nr. 6 [online]

Inhalt: Rat der Stadt Halle: Sühnebestätigung

Wie Ratman(n)e vn(de) der Innu(n)ge meiste(re) tũ Halle .. Bekenne(n) ope(n)licke(n) an disseme /  
iege(n)w(er)dige briue . . dat alle die krich vn(de) schelinge die geweset is twische(n) h(err)n /  
hen(n)i(n)ge vom(m)e stenvorde vn(de) sophien siner moddere einvnthalp , vn(de) heiderike /  
scultere(n) deme got gnedich si vn(de) sinen kinde(re)n anderthalp vru(n)tlicke(n) is be / richtet  
vn(de) ge sũnet , also dat dat vo(n) on beidentsiden , num(m)er mer mit / arge vp gerucket scal  
werde(n) Sie enschollen ok beidentside(n) nymande / hie si pape oder leige , dar vm(m)e vordenken  
oder hinde(re)n ienigerleige wis , / sunder die sake schal schlechtes dot sin , mit alle den , die mit der  
sake / be grepe(n) ware(n) Des hebbe(n) des scultete(n) kinde(re) , vppe disse vru(n)tlicke(n) / sũne ,  
gelege(n) h(er)n Hen(n)i(n)ge twey hundert schok , vn(de) thein schok , croschen , / die on h(ern)  
Hen(n)i(n)igh wol vor wisset het vn(de) vor bũrget , Vppe ein ope(n)bar / orkunde diesser dinge so  
hebbe wie vorbescreuene(n) Ratman(n)e vnser / stat Jngesegele an dissin brif gehang(e)t , Vn(de) wie  
h(erre)n hen(n)i(n)gh vom(m)e / stenvorde . . Jk h(er)man scultere , Bule vn(de) busse , brũde(re)  
heyd(erike) sculteren / sone , beken(n)e(n) dat wie disse vorbescreuene(n) sũne , stede vn(de) ghantz  
halde(n) / scolle(n) vn(de) willen . . dat bethuge wie h(erre) Hen(n)i(n)gh , mit vnseme Jngesegele ,  
vn(de) / ik h(er)man schultere vor mik vn(de) mine brũde(re) mit mime Jngesegele , des sie mit / mie  
gebruke(n) , die wie beidentside(n) an disse(n) brif mit der stat Jngesegele , tũ / Halle , hebbe(n) an  
disse(n) brif<sup>1</sup> gehange(t) Na goddis gebort durent iar dru(n)dert in deme / veftegeste(n) iare , des  
donrestages vor mitvaste(n) , dat is vor Letare , /

---

<sup>1</sup> *an disse(n) brif* über der Zeile nachträglich eingefügt